

docsjia.com 古籍书城  
入駐商家  
在文川网搜索古籍书城 获取更多电子书

中國方志叢書·華北地方·第五四六號


據

清乾隆三十一年刊本  
吳炳纂輯

影印

陝西 省

# 隴州續志



成文出版社有限公司印行

Softcover



中國方志叢書·華北地方·第五四六號


據

清乾隆三十一年刊本  
清吳炳纂輯

影印

陝西 省

# 隴州續志



501/1095

成文出版社有限公司印行



\*10098727\*

中華民國六十五年 月壹一版

# 隴州續志

全二冊

發行人：黃 成 助

出版者：成文出版社有限公司

台北市郵政信箱二二六〇五號  
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

docsriver 文川网  
入驻商家 古籍书城

在文川网搜索古籍书城 获取更多电子书

叙

志以徵信由州邑而郡  
而省而國史館然皆以  
州邑乘為之基州邑乘  
無訛層累而上遍域中

一名一物之微暨禮教  
政治官師人文之鉅無  
不核而可徵足為信史  
矣隴志祇黃羅二書羅  
志以黃志為藍本踵訛

襲謬其弊大要有二一  
則勇於自是一則憚於  
考古遂至舛誤不可勝  
言如紀略內載秦苻登  
為壇隴東即帝位註云

苻丕之子放晉史登為  
丕族子丕死登山南安  
王僭稱尊號當時有南  
安踈屬不宜立之語是  
非丕子明矣沿革內載



隋大業三年置沂源南  
由二縣屬扶風郡攷此  
史魏孝明帝於漢沂縣  
故地西南由谷口置南  
由縣又攷隋史開皇五

年改沂陰縣為沂源二  
縣並非太業時置可知  
職官內載元阿黑伯為  
監州攷元史官名有達  
魯花赤兼轄軍民較今

制州縣其任更重祀西  
鎮碑明書阿黑伯達魯  
花赤原銜乃易以監州  
不知當作何官藝文內  
丁帶十詩依吳山廟石

刻列之宋代是矣而叙  
次官師又書為元吳山  
縣令一人而前後互異  
考古者奚所適從歟其  
他古蹟之脫漏山川之

混淆封建以無為有名  
宦以邪易正其誤更難  
悉數每一繙閱輒怦怦  
心動民事輻葛欲更訂  
而未暇也乾隆乙酉歲

一統志館檄取州邑事  
蹟復值府局開設重纂  
郡志於是條列五十二  
年後建置田賦官師選  
舉人物應續入者復蒐

討全史并子集諸家允  
有關隴地典故悉加彙  
記叅互考証舊志悞者  
釐正之缺者增補之別  
為一書名曰續志仍存

舊志八卷不敢沒黃羅  
二家創始之功也夫師  
心自用謂之誕考古不  
精謂之陋誕與陋皆無  
足與於志此書逐條駁



改謬列管窺雖未敢云  
足以徵信而於前二者  
之病蓋亦兢兢慎之異  
時附新修郡志之末籍  
之史館隴坂實蹟不至

docsriver 文川网  
入驻商家 古籍书城

在文川网搜索古籍书城 获取更多电子书

盡歸遺佚或者不無小

補焉爾 晉

乾隆三十一年丙戌孟


夏月

進士奉直大夫知隴州

事南豐吳炳書



又



黃志序

李月桂

關西道

余不敏分藩右輔陝西岐隴諸郡邑粗疏綱紀公暇  
索各屬舊志考厥載記因是識山川險塞土田肥瘠人  
物盈訕供億費省古今消長興革利病之原酌而措之  
政教期無忝厥職而廣所見聞於是隳守舊者以手纂  
州志進分門別類條貫詳晰開卷豁然披覽之餘隨之  
山川在目也土田在目也人物在目也供億在目也古  
今消長興革利病之原亦無不在目也夫在目也將僅  
僅在目已乎孰險孰塞孰肥孰瘠孰盈孰訕孰費孰省

孰消孰長孰興孰革孰利孰病或過於古而礙於今或  
宜於今而準諸古或古有待而俟之今或今且然而古  
未能或古不易而今必仍或今雖更而不失古相其時  
勢變而通之因革損益政治係焉毋僅僅在目誇博說  
資口舌則良有司之責也無亦惟是余分藩者之職也  
雖然學古入官學者之本務良有司付全力爲之忠勉  
力爲之亦忠半力爲之亦不失爲忠卽不能力爲之而  
著述琳琅垂爲典則俾後之君子由是而酌焉以付乎  
全力勉力半力無愧於入官之學則亦忠之屬也已哉

司馬子長繩乃家學不獲大其敷施纂輯成史後世得以考覘天下山川田土人物供億古今消長興革利病之原而班范輩有所持循矣愛滋耳孫似續不衰州守意在斯乎州守熟於隴之山川土田人物供億古今消長興革利病之原付全力爲之豈惟岐隴之幸則亦余分藩者之厚幸也夫有司之治郡若邑也猶醫之治病也弗洞其腑臟弗灼其經絡弗諳其血脈腠理虛實寒熱表裏陰陽之故概施以鍼石湯餌藥毒欲稱上工難矣夫山川土田人物供億腑臟經絡血脈腠理也險塞




肥瘠盈詘費省虛實寒熱表裏陰陽也良有司權乎古  
今消長興革利病之原酌而措之以出政立教岐雷莖  
扁史區也然而今之學醫者借方書以馴致乎其精則  
斯誌也洵良有司之方書也詎可忽乎哉稿竣懸書堂  
無爽鑒用壽棗梨姑述余懷以弁之

黃志序

范發愚

關西

予叨關西之役，歷者節命，往來靡坂，奇其山川，徘徊四顧，以唐人絕勝之精，關山灑水之怨，慨其立志之不廣，受王事以予，征自宜竭，屢盡力何必回首京邑，咏嘆蓬蒿，蓋為也。問其志則久在缺畧，不勝恹惜，志以昭信，於政治即賢者，隨心而運之，不藉於古，何以勸懲，蓋嘗體悉其意，或以文獻無徵，或以時會倥傯，然上臺諸君子，屢微以促之，將以鳴興朝之盛，邇邑牧守，豈其可悠悠，棄置哉。一日，關西史黃君，請其志，將付



謂廟諱予求弁言予何言予惟懼之爲地爲秦中咽喉  
亦爲扞蔽辟之於身其呼吸之官辟之於家中肩關鍵  
之固也隨雖小非諸州比矣土地人民政事刺史古諸  
侯皆所有事以志中臚刻之概畧爲方策以賢者之修  
慮鴻猷爲人存政舉吾知作者之有造於隴不止一時  
且及萬祀矣又有說於此唐以詩賦宋以經義名卿駸  
烈皆出其中文治之道古今不廢志乘一書文也而治  
寓焉官於斯生於斯者以文章相尙不如以志書稽考  
之爲功也後之檢閱此書者其念諸

黃志自序

黃雲蒸

隴州知州

文中子曰吾觀遷固而下述作何其紛紛也制理者參  
而不一乎陳事者亂而無緒乎故夫史難言也而志則  
史之屬也原本山川錯綜人物披故實於已往肇新緒  
於將來必其本末兼舉鉅細不遺幾而該詳而有則庶  
乎其可傳也今夫隴雖蕞陋然固被山帶汧勢勝之地  
也考之郡故有志厄於寇而具禍以燼也故無傳然亟  
需志矣隴之先非子崛起主馬蕃息列爲附庸秦業基  
之嗣是襄公以兵送平王文公遂有周之餘民開疆啟

土氣勢勃興秦於是始大矣祭遵歲狂醜於隴城來歙  
奏膚捷於回中韋臯臯叛將於行營馬燧邊吐蕃於西  
山摧堅搗銳如拉枯朽彼一時何其盛也鉅儒則燕子  
思廉正則郭司直忠烈則段成公文學氣節彪炳兩間  
千載下猶想見其所稱卓犖不羣者非耶隴獄之所  
鬱蓄汧汭之所浸漚原壤沃衍年穀豐植婦子盈寧國  
用充給民生其間追呼無擾烽燧不驚可謂和樂者乎  
爰尋迄今山川猶故也而利源蹙城郭猶故也而人民  
凋日歛猶故也而茂祚寡徭役則由簡而煩食貨則由

澆而乏俗尙則由淳而渙兵衛則由振而弛吏治則由  
純而駁人才則由盛而衰浸淫淪染勢日趨靡嗟乎此  
豈一朝一夕之故哉其所由來者漸矣予每念及此未  
嘗不爲憮然三嘆也雖然治之久斯亂之始而剝所積  
卽復所胎溯往可以知來鏡古可以灼今前事之不忘  
後事之師也後之人將有志於興革不有紀載其何以  
備鑒觀且古者天子十有二歲巡狩殷國別異五物各  
爲一書以周知天下之政諸侯之得失治亂定而後農  
讓行焉今聖天子在宥一旦欲比郡國之功陳天下之

docsriver 文川网  
入驻商家 古籍书城

在文川网搜索古籍书城 获取更多电子书

謀而典章泯缺觀風者奚採焉歷古今之興替察廟世之大權義例所綴道法攸關此志之不可以已也故自志者史之屬尙書春秋記言記動史而實經至司馬氏而一變後世分門析類僅同掌故余非敢言學史聊以學志云爾顧學術舛淺寡見大義率爾成編而本末未能兼舉細大或多所遺安所追於龍門氏之誦哉予滋愧矣



黃志跋

王汝珍

隴

主君子當未遇時得以覃精經史縱情登眺一行縮翰  
宰割郡邑其於往哲芳規以及山水名勝概不遑問及  
雖曰簿書爲累亦由才不足以濟之耳珍汝以樗朽之  
質濫竽教鐸兩就寒毡遍閱仕籍求其政事兼文學者  
誠指不多屈歲辛酉忝脩州學正獲遇郡伯黃先生固  
海名儒翔步魏科轉於學更富於才受任以來地處繁  
劇而著作日茂時當殘累而尙論益勤先勸制義以儀  
型多士次刻吳志以收拾勝蹟文章賦咏之膾炙人口